



ОРХОН АЙМГИЙН  
ЗАСАГ ДАРГЫН ДЭРГЭДЭХ ЭРҮҮЛ МЭНДИЙН ГАЗРЫН  
ДАРГЫН ТУШААЛ

2022 оны 04 сарын 05 -ны өдөр

Дугаар А/26

Эрдэнэт

Нэмэлт амин дэм хуваарилах тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 67 дугаар зүйлийн 67.5 дахь заалт, аймгийн Иргэдийн Төлөөлөгчдийн Хурлын 2021 оны 12 дугаар сарын 02-ны өдрийн ээлжит хуралдааны 06/04 дугаар тогтоол, Орхон аймгийн Засаг даргын 2022 оны Нэмэлт аминдэмээр хангахад дэмжлэг үзүүлэх тухай А/171 дугаар захирамжийг тус тус үндэслэн ТУШААХ нь:

1. Нийгмийн халамж нэн шаардлагатай бүлгийн эхчүүдэд зориулсан нэмэлт аминдэмийг олгож, тайлан мэдээг нэгтгэх журмыг нэгдүгээр, аминдэмийн зарцуулалтанд хяналт тавих багийн бүрэлдхүүнийг хоёрдугаар, аминдэм олгосон эхчүүдийн бүртгэлийн хуудсыг гуравдугаар, нийгмийн халамж нэн шаардлагатай эхчүүдэд түгээх амин дэмийн хуваарилалтыг дөрөвдүгээр хавсралтаар тус тус баталсугай .

2. Санхүүжилтыг эрх зүйн хүрээнд шийдвэрлэж, зарцуулахыг Салбарын санхүү бүртгэл мэдээлэл нягтлан бодохын ажилтан /Н.Чулуун-Эрдэнэ/-д үүрэг болгосугай.

3. Нийгмийн халамж нэн жирэмсэн эхчүүдийг аминдэмжүүлэлтэнд хамруулах ажлыг зохион байгуулж, үр дүнг тооцож ажиллахыг Хоол тэжээл хүнсний аюулгүй байдлын асуудал хариуцсан мэргэжилтэн /П.Баярмаа/-д даалгасугай.

4. Тушаалын хэрэгжилтэд хяналт тавьж ажиллахыг Хяналт шинжилгээ үнэлгээ дотоод аудит хариуцсан мэргэжилтэн /Г.Энхжаргал/-д даалгасугай.

ДАРГЫН АЛБАН ҮҮРГИЙГ ТҮР  
ОРЛОН ГҮЙЦЭТГЭГЧ



Д.СҮХЭЭ

Нийгмийн халамж нэн шаардлагатай эхчүүдийг аминдэмжүүлэлтэнд  
хамруулах журам

Энэхүү журам нь Сум өрхийн эрүүл мэндийн төв, БОЭТ-ийн Өртөмтгий бүлгийн жирэмсэн эхийг хянах кабинетийн хяналтанд бүртгэгдсэн, нийгмийн халамж нэн шаардлагатай, бүлгийн эхчүүдийг нэмэлт аминдэмээр үнэ төлбөргүй хангах харилцааг зохицуулна.

1. СӨЭМТ, ӨБЖЭХК-ийн эмч нар нь зорилтот бүлгийн нэмэлт аминдэмд хамрагдах заалттай эхчүүдийн судалгаа, оношийн үндэслэлийг гаргаж, цус багадалттай эхчүүдийн аминдэм уухын өмнөх цусны дэлгэрэнгүй шинжилгээтэй хавсарган эрүүл мэндийн газрын хоол тэжээл, хүнсний аюулгүй байдлын асуудал хариуцсан мэргэжилтэн /ХТХАБАХМ/-д сар бүрийн эхний 7 хоногт өгч, няраваас хүлээн авна.
2. Орхон Монос ЭХНБ нь аминдэмийн хуваарь гарснаас хойш 7 хоногт багтааж, ЭМГ-ын няравт аминдэмийг хүлээлгэн өгч, баримтжуулсан хуудас, Е-баримтыг Эрүүл мэндийн газрын ЭБХЧАБХМ мэргэжилтэн /О.Анхбаяр/-аар шалгуулж, Салбарын санхүү бүртгэл мэдээлэл, нягтлан бодогчид хүлээлгэн өгнө.
3. Салбарын санхүү бүртгэл мэдээлэл, нягтлан бодогчид ЭХНБ-аас ирүүлсэн нэхэмжлэл, зарлагын баримтыг үндэслэн мөнгөн гүйлгээг хийнэ.
4. СӨЭМТ-ийн эмч нар өөрийн харъяаллын нийгмийн халамж нэн шаардлагатай эхчүүдээс нийгэм биологийн болон эх барихын ужиг дутагдалтай эхчүүдийг сонгон аминдэмжүүлэлтэнд хамруулна. Үүнд:
  - Амьжиргааны баталгаажих түвшингээс доогуур орлоготой өрхийн оюутан болон хөгжлийн бэрхшээлтэй жирэмсэн ээжүүд, хоол тэжээлийн архаг дутагдалтай жирэмсэн болон хөхүүл ээжүүд /БЖИ18,5-аас бага/, цус багадалттай жирэмсэн болон хөхүүл эхчүүдэд олгоно.
  - 15-аас өмнөх насанд жирэмсэлсэн, хэт намхан 140 см-ээс бага өндөртэй, ихэр жирэмсэн, хэт ойрхон жирэмсэлсэн, ихэсийн дутмагшил, ургийн өсөлтийн саатал оношлогдсон жирэмсэн эхчүүдэд олгоно
5. Нийгмийн халамж нэн шаардлагатай бүлгийн эхчүүдэд бэлдмэлийг олгохдоо 1 эхэд 30 ширхэгээр олгож 30 өдрийн туршид уулгана.
6. СӨЭМТ, ӨБЖЭХК-ийн эмч нар зорилтот бүлгийн эхийг сонгож, оношийн үндэслэлийг гаргаж, арга зүйч сувилагчид илгээж, арга зүйч нар эмийг түгээж, цус багадалттай эхийн шинжилгээг хавсаргаж, баримтжуулах ажлыг хариуцна.

7. Өрхийн эрүүл мэндийн төвүүд нэмэлт аминдэмийг зааврын хамт эхчүүдэд олгож гарын үсэг зуруулж баталгаажуулсан бүртгэлийн хуудсыг дараа улирлын 2 дахь сард багтаан ЭМГ-ын ХТХАБАХМэргэжилтэнд ирүүлнэ.
8. СӨЭМТ, ӨБЖЭХК-ийн эмч нар эхэд аминдэм олгосноос 30 хоногийн дараа давтан шинжилгээнд хамруулж, эмчилгээний үр дүнг тооцож, арга зүйч сувилагч нэгдсэн тандалын хуудсанд тэмдэглэн мэдээг ЭМГ-ын ХТХАБАХМэргэжилтэнд ирүүлнэ.
9. Аминдэмийн зарцуулалтанд хяналт хийх баг нь хагас жил тутамд СӨЭМТ, ЖӨБЭХК-аар зорилтот бүлгийн жирэмсэн болон хөхүүл эхэд олгосон аминдэмийн чанар хүртээмж, хэрэглээний үр дүнг үнэлэх хяналтыг зохион байгуулж, тайлагнана.
10. Амин дэмийг зориулалтын дагуу зарцуулаагүй тохиолдолд СӨЭМТ-үүдэд нөхөн төлбөр ноогдуулж хариуцлага тооцно.

Журам боловсруулсан: ХТХАБАХМ *П.Баярмаа* П.Баярмаа

Эрүүл мэндийн газрын даргын 2022 оны  
.04. дугаар сарын .07.-ний өдрийн  
.116 дугаар тушаалын хоёрдугаар хавсралт

Нийгмийн халамж нэн шаардлагатай эхчүүдэд зориулсан нэмэлт  
аминдэмийн зарцуулалтанд хяналт тавих багийн бүрэлдэхүүн

Багийн ахлагч : Хоол тэжээл, хүнсний аюулгүй байдлын асуудал хариуцсан мэргэжилтэн

Гишүүд:

1. Сум, өрхийн эрүүл мэндийн тусламж үйлчилгээ болон ахмад настны асуудал хариуцсан мэргэжилтэн
2. Эмийн чанар аюулгүй байдлын асуудал хариуцсан мэргэжилтэн
3. Эх нярайн эрүүл мэндийн асуудал хариуцсан мэргэжилтэн
4. Эрүүл мэндийн эдийн засаг, төсвийн төлөвлөлт, зохицуулалт хариуцсан мэргэжилтэн





Эрүүл мэндийн газрын даргын 2022 оны  
 01...дугаар сарын 05.-ний өдрийн  
 1/26 дугаар тушаалын дөрөвдүгээр хавсралт

Нийгмийн халамж нэн шаардлагатай эхчүүдэд түгээх аминдэмийн хуваарилалт

2022 оны 04 сарын 04

№	Өрхийн эмнэлгийн нэр	Нийт жирэмсэн эхийн тоо	II-р улирал			III-р улирал			IV-р улирал			Нийт аминдэмийн тоо	Эм түгээсэн он сар өдөр	Хүлээн авсан хүний нэр
			аминдэм олгох эхийн	1 эхэд олгох эмийн тоо	Нийт эмийн дүн	аминдэм олгох эхийн	1 эхэд олгох эмийн тоо	Нийт эмийн дүн	аминдэм олгох эхийн	1 эхэд олгох эмийн тоо	Нийт эмийн дүн			
1	Үйлсбадрах	120	20	30	600	20	30	600	20	30	600	60		
2	Нийцэл	127	20	30	600	20	30	600	20	30	600	60		
3	Мөнхийн гэгээ	63	15	30	450	15	30	450	10	30	300	40		
4	Энхжих мандирваа	122	20	30	600	20	30	600	20	30	600	60		
5	Анхны-Оч	201	30	30	900	30	30	900	20	30	600	80		
6	Мэндцэцэн	162	25	30	750	25	30	750	20	30	600	70		
7	Учралтбаяр	151	25	30	750	25	30	750	20	30	600	70		
8	Мөнхсүндрэл	90	15	30	450	15	30	450	15	30	450	45		
9	Жаргалант сум	37	6	30	180	6	30	180	5	30	150	17		
Дүн		1045	176			176			150			502		

Хуваарийг хийсэн:  
 Аминдэмийг түгээсэн:

ХТХАБАХМ П.Баярмаа  
 ЭМГ-ын нярав Б.Алтанзагас